8-D20-Sy شو رايك بامتحانات البكالوريا؟

المراسلة: أعِزّاء المشاهدين، اليم كان آخر يوم لامتحانات البكالوريا. معنا اللآن طالب من طلاب البكالوريا. مرحبا.

الشاب: مرحبا.

المراسلة: ممكن تعرّف على حضرتك؟

الشاب: اسمي حُسّام قاروض من مدينة حلب، طالب البكالوريا بمدرسة الفرابي الثانوية.

المراسلة: وشو رايك بامتحانات البكالوريا هالسنة؟

الشاب: والله امتحانات العربي والإنجليزي ما كانت صعبة، بس امتحانات العلوم والرياضيات كانت صعبة شوي.

المراسلة: وانشلله كتبت منيح بالامتحان؟

الشاب: الحمد لله، بفضل الله وبفضل أساتذتي عملت كتير منيح. وكمان ماما عملت جو بالبيت ساعدني كتير بالدراسة.

المراسلة: انشلله تنجح وتدخل الجامعة.

الشاب: يا رب!

المراسلة: وشو بدك تدرس بالجامعة؟

الشاب: بدي ادخل كلية الهندسة انشالله وأتخصص بالهدسة الإلكترونيا.

المراسلة: وليش الهندسة؟

الشاب: إختي الكبيرة مهندسة وبدي كون متلها. وكمان الهندسة في الها مستقبل ممتاز، وفي الها شغل كتير بالدول العربية.

المراسلة: وبدك تسافر بعدما تتخرج؟

الشاب: يعني ممكن. الواحد لازم يعمل شوية مصاري منشان المستقبل. وهون ما في مصاري وشغل كتير، فممكن اسافر، ومتلما الله بيريد.

المراسلة: انشالله دائماً بتكون ناجح بدارستك وبجياتك.

الشاب: شكراً.